


Данғара тумани халқ таълими бўлими тасарруфидаги умумий ўрта таълим мактаблари тўғрисида МАЪЛУМОТ

Данғара тумани халқ таълими бўлими тасарруфида 39 та умумий ўрта таълим мактаби, 1 та вилоят тасарруфидаги Давлат ихтисослаштирилган умумтаълим мактаб-интернати, 1 та ихтисослашган мактаб, 1 та “Баркамол авлод болалар мактаби” мавжуд. 2020 йил сентябрь ойи ҳолатига ўқувчилар сони жами 31083 нафарни ташкил қилиб (шундан 3305 нафари 1-синфга қабул қилинган ўқувчилар), уларга 2562 нафар педагог ходимлар таълим - тарбия бериб келмоқдалар.

Таълим муассасаларида ўқитувчи ва ўқувчилар саломатлигини муҳофаза қилиш, улар ўртасида коронавирус инфекциясининг тарқалишини олдини олиш мақсадида барча умумий ўрта таълим мактабларининг кириш дарвозаси олдида бошлаб 1-4, 5-8, 9-11 синфлар учун алоҳида кириш-чиқиш йўлаклари чизилиб, мактаб ховлиси, хожатхона ва ўқувчилар ҳаракатланиш йўлаклари олдида қўл ювиш учун барча шароитлар яратилди. Бундан ташқари туман халқ таълими бўлими ва туман тиббиёт бирлашмасининг 2020 йил 10 сентябрдаги “Тумандаги умумий ўрта таълим мактабларида коронавирус инфекциясининг профилактикаси бўйича чора-тадбирларни ташкиллаш тўғрисида”ги 94-сонли қўшма буйруқлари қабул қилиниб, барча умумий ўрта таълим мактаблари, мактаб ҳамширалари, ҳудудий қишлоқ оилавий поликлиналиари ва қишлоқ врачлик пунктларидан ўқитувчи ва ўқувчиларни саломатлигини муҳофаза қилиш мақсадида ҳар бир умумтаълим мактабларига қўшимча 1 нафардан тиббиёт ҳамширалари бириктирилди. Шунингдек, умумий ўрта таълим мактабларида мунтазам равишда санитария ва гигиена ҳолатларини назорат қилиш, онлайн тартибда таълим олувчи ўқувчилар давоматини таҳлил этиш мақсадида туман халқ таълими бўлимида штаб ташкил этилди.



Туман марказидан 25 километр узоқликда жойлашган 11-мактабда

7 сентябрь куни ўқиш бошланган. Мактабга киришда ҳар бир ўқувчи ва ўқитувчининг тана ҳарорати ўлчанмоқда. Қўллар антисептик воситалар билан зарарсизлантирилмоқда. Тоза ичимлик суви ва интернет тезлигидан муаммо йўқ. Синф хоналарида дезинфекция бурчаги ташкил этилган. Синфхоналарда ижтимоий масофага риоя қилиниб дарс машғулоти давом этмоқда.



10-мактабда 695 нафар бола тахсил олади. Ота-оналар ўртасида сўровнома ўтказилганда уларнинг 95 фоизи фарзандларининг анъанавий усулда таълим олишига хайрихоҳлигини билдирган. Хорушбу мактабда барча муаммолар бартараф этилиб дарс жараёнлари ижтимоий масофани сақлаган ҳолда ўтилмоқда.

Жорий йилнинг сентябрь ойида Данғара туман халқ таълими бўлими тасарруфидаги 42 та умумтаълим мактабларига жами 457 дона масофадан иссиқликни ўлчовчи пирометор, 217 дона комбинзон, 90 дона зарарсизлантирувчи суюқлик пурковчи аппарат, 160 дона челак, 80 дона дозатор, 1087 дона 0,5 литр ҳажмдаги антисептик воситалари, 760 литр антисептик аралашмаси ҳамда 205 кг хлор воситалари етказиб берилди.

2020-09-25 10:35:33